



AKADEMI PENGAJIAN BAHASA
UNIVERSITI TEKNOLOGI MARA

e-Lingua

Academy of Language Studies
UiTM Gawangan Pulau Pinang

January 2024

Table of Content



<u>Chief Editor's Desk</u>	<u>2-5</u>
<u>News & Reports</u>	<u>6-19</u>
<u>Language Club News & Reports</u>	<u>20-24</u>
<u>Self-love First</u>	<u>25-32</u>
<u>Travel & Leisure</u>	<u>33-41</u>
<u>Home Garden</u>	<u>42-45</u>
<u>Teaching & Learning</u>	<u>46-54</u>
<u>Lecturer's Contribution</u>	<u>55-72</u>
<u>Creative Corner</u>	<u>73-83</u>
<u>The Team</u>	<u>84</u>

CREATIVE

Corner



Gaza

74

Orang luar

80

Putera puteriku

75

Dia

80

Kadang-kadang

76

Motivate your
way

81

Maka untuk apa
hidup ini

77

Freedom for
Gaza

82

Demi masa

78

Blossoming
beyond

83

Halaman

78

Sambil mengopi
di bumi Aceh

79



Kadang-kadang

nukilan Noraziah Mohd Amin



Dengar ini nasihat nenek, wahai cucunda tersayang:
kadang-kadang tidak perlu berterus-terang
demi mengelak melukai hati orang
lebih baik menemberang bak Pak Belalang
daripada Si Luncai yang dihukum raja berang
padah mulut lantang bertutur lancang.

Dengar ini nasihat nenek:

kadang-kadang tidak perlu terlalu baik
membuat kerjaan orang yang pandai berdolak-dalik
menjaga hati orang tapi hati sendiri pula robek
jadilah seperti Sang Kancil berotak cerdik
demi mengelak di belakang orang berbisik
maka berilah seribu alasan walaupun pelik.

Dengar ini ajaran nenek paling berharga:
kadang-kadang diri perlu berahsia
dari bercerita bak Awang Batil, si penglipur lara
demi mengelak kisah sendiri dicanang di merata
ajarkan mulut untuk kurang berkata-kata.



Dengar sini nenek berpesan lagi:
kadang-kadang diri perlu berdiam sepi
dari membalas tiap kata tajam berduri
demi mengelak perhubungan dicemari
maka mulut tutuplah rapi, hati padamlah api
ambil iktibar kisah puteri-puteri
Santubong dan Sejinjang yang memakan diri.



Dengar sini bukan kosong berborak
pesan nenek sematkan di otak:
kadang-kadang diri perlu menolak
dari mengikut telunjuk jari bergerak
agar tidak jadi Bawang Merah yang dipijak-pijak
maka lidah katakan "Tidak!" dan tegakkan hak!

Dengarlah ini pesan nenek bukan sebarang:
kadang-kadang diri perlu berfikir panjang
menyusun kemas segala dirancang
demi tidak yang diusaha bertemu kecundang
belajarlah dari cerita Lebai Malang
sudahlah perut tidak kenyang
pulang pula bertelanjang.

Dengar sini nenek beritahu:
kadang-kadang kita perlu menjadi tahu
agar tidak jadi Pak Pandir yang dungu
penuhkan dada dengan segala ilmu
hidup ini pelbagai ragam dan perilaku
demi diri tidak karam dipukul ombak meluru
maka pandai-pandailah mendayung perahu.

